

He karanga tono

He pūtea āwhina mō ngā kaupapa e whakahaeretia nei e te hunga e whakamahi nei i ngā ratonga hauora hinengaro, i ngā ratonga hauātanga ā-hinengaro rānei, mā taua hunga tonu 2023

Kei te karanga atu te Poari kia tukuna mai he tono pūtea mō te rauna tuku pūtea āwhina 2023. Me hāngai pū ki te tāhū ngā tono e tukua nei i 2023.

Tēnā whakamārama mai ka pēhea te aronga o tāu tono ki te tāhū i raro:

‘Ki te whakatipu kaiārahi anamata i ngā Rāngai Hauora Hinengaro, Hauātanga ā-Hinengaro.’

Kei te hiahia mātau ki te tuku pūtea ki ngā kaupapa, ki ngā hōtaka rānei, e tino whakaatu nei i te tautoko i roto i ngā āhuatanga e whai ake nei:

- He whakawhanake hautūtanga
- He tautoko, he whakangungu i ngā mahi ringarehe
- He taunaki, he whakawhanaketanga whaiaro

Ko ngā tono pūtea nei, me:

- Noho hei kaupapa mā ngā tāngata e whakamahi nei, i whakamahi ai rānei i ngā ratonga hauora hinengaro, i ngā ratonga hauātanga ā-hinengaro rānei.
- Ahu mai te tono i tētahi whakahaere kaupapa atawhai, i te tangata takitahi, i te rōpū rānei kāore i te whai i te karangatanga kaupapa atawhai.
- Noho hei kaupapa e arahina ana, e whakahaeretia ana rānei e tētahi whakahaere kaupapa atawhai mā te tangata takitahi, mā te rōpū rānei kāore i te whai i te karangatanga kaupapa atawhai.

Ka whakaaroarotia ngā tono tae rā anō ki te mōrahi o te \$10,000. Kāore e whakaaroarotia ngā tono ka tae tūreiti mai, ngā tono rānei kāore i te tino hāngai ki te tāhū.

Kua whakaae te Poari ki te tohatoha i te \$100,000 kia ōrite te wehenga ki te Rāngai Hauora Hinengaro me te Rāngai Hauātanga ā-Hinengaro i 2023, kia whā ngā tukunga pūtea e tautoko ana i ngā kaupapa whakawhanake kaiārahi.

Me whakaatu ngā tono ki ngā pūtea tautoko Kaiārahi i ngā āhuatanga e rārangi iho nei:

- Mō te Pūtea Āwhina Kaiārahi Hauora Hinengaro, me aro ngā tono ki ngā mahi whakawhiwhi hōtaka whakangungu hei tautoko i te hunga e whai wheako ana, arā kia eke rātau ki ū rātau pito mata ārahi.
- Mō te Pūtea Āwhina Kaiārahi Hauātanga ā-Hinengaro, me aro ngā tono ki te whakatipu i te ārahitanga o te hunga kua whai hauātanga ā-hinengaro, mā ū rātau auahatanga me ngā mahi hei wero i nga āhuatanga o tēnei wā, hei whakapanoni hoki.

Tukanga Tono

1. Ko ngā tono, me āta tuku mai e te whakahaere e rēhita ana mō te mahi kaupapa atawhai.
2. Ko ngā tāngata takitahi me ngā rōpū kāore i te whai karangatanga kaupapa atawhai, me tono mai mā tētahi whakahaere kaupapa atawhai kua oti nei te whakaae māna e whakahaere ngā pūtea mōna.

3. Ka tuwhera ngā tono hei te **15 o Haratua 2023** hei te 9 i te ata, ka kati hei te **17 o Hōngongoi 2023** hei te 5 i te ahiahi. Ka whakamōhiotia ngā kaitono mō te pēheatanga o te tono hei te **31 o Hereturikōkā 2023**.

Ka taea te pukatono te whiwhi mā te pae tukutuku: [**Frozen Funds**](#)

Mō ētahi atu pārongo, tēnā haere ki tō mātou pae tukutuku: [**Frozen Funds**](#)